

Thuto Ya Banikolaite

*ka*

Moruti William Marrion Branham



# Thuto Ya Banikolaite

Kutullo 2:15, "Le gona o sa na le ba ba gomaretšego thuto ya Banikolaite ka mokgwa woo, ye le Nna ke e hloilego."

O tlo elelwa seo ke se tlišitšego Phuthegong ya Efeso gore lentšu le, *Monikolaite*, le tšwa mantšung a mabedi a se-Gerika: *Nikao leo le rago go fenza*, le *Lao leo le rago phuthego*. Monikolaite ke gore, "*go fenza phuthego*." Bjale ke ka 'baka la'ng se e le selo se se šiišago? Se a šiiša ka gobane Modimo ga se a ka a hloma phuthego ya Gagwe matsogong a boetapele bjo bo sepelago ka megopolu ya se-polotiki. O beile phuthego ya Gagwe ka fase ga tlhokomelo ya banna ba ba kgethilwego-ke-Modimo, ba tlala-Moya, Ba-Phela-Lentšu bao ba hlahlago setšhaba ka go se fepa ka Lentšu. Ga se a aroganya batho ka diphohla gore diphohla di hlahlwe ke boperisita bjo bokgethwa. Ke therešo gore boetapele bo swanetšwe go ba bjo bokgethwa, eupša ka morago le phuthego ka moka e swanetšwe go ba ka mokgwa woo. Go iša pele, ga go lefelo ka Lentšung moo baperisita goba baruti goba boemedi bao gare ga Modimo le batho, ešita ga go lefelo leo ba arogantšwego ge go khunamelwa Morena. Modimo O nyata bohole gore ba rate le go Mo direla mmogo. Bonikolaite bo senya mekgwa yeo gomme bakeng sa yona bja aroganya baruti setšhabeng gomme bja dira baetapele beng go le gore ba be badiredi. Bjale thuto ye e tloga e thomile bjalo ka tiro lebakeng la pele. Go bonala gore bothata bo letše mantšung a mabedi: "bagolo" (batala) le badiši (dipišopo). Le ge Langwalo le bontšha gore go na le bagolo ba bantši ka phuthegong, ba bangwe ba thomile (Ignatius magareng a bona) go ruta gore kgopolo ya mopišopo e be e le gomang-ka-nna goba taolo le pušo godimo ga bagolo. Bjale therešo ya sekhwie ke lentšu le "mogolo" le hlathago gore motho yo ke mang, mola lentšu le "pišopo" le hlathago maemo a yena

motho yoo. Mogolo ke motho. Pišopo ke maemo a motho yoo. "Mogolo" ka mehla e na le gomme ka mehla e šupa botala bja motho ka nywaga Moreneng. Ke yena mogolo, e sego ka gobane o kgethilwe goba go bewa, bj.bj., eupša ka gobane ke yo MOGOLWANYANA. Ke wa pejana, o hlahlilwe, e sego yo moswa, yo a botegago ka 'baka la boitemogelo le kgonthe ye e tiilego ya boitemogelo bja BoKriste bja gagwe. Eupša aowa, dipišopo ga se tša gomarela episitola tša Paulo, eupša ba ba ikgethela tlhathollo ya Paulo ya lebaka la ge a ile a bitša bagolo ba Efeso go ya Mileto ka go Ditiro 20. Temaneng ya 17 polelo e re, "bagolo" ba bitšwa gomme ka morago ga fao temaneng ya 28 ba bitšwa badiši (dipišopo). Gomme dipišopo tše, (go sa belaetše gore ba tletše ka dipolitiki le bogale go nyaka maatla) ba gapeleditše gore Paulo o file nepo ya gore "badiši" ba feta mogolo ka maemo a semmušo fela phuthegong ya gagwe. Go bona mopišopo bjale ke yoo a nago le maatla a fetišago godimo ga bagolo ba bantši. Kgopolu yeo ga se ya Mangwalo le ge e ka ba ya hisitori, le ge go le bjalo le monna wa maemo wa Polikoporo o ithekgile ka wona mokgatlo woo. Ke gona, seo se thomilego e le tiro lebakeng la pele se dirilwe thuto gomme go bjalo lehono. Dipišopo di sa fela di bata maatla a go laola batho gomme ba šoma ka bona ge ba rata, ba ba bea moo ba ratago mo bodireding. Se se latola boetapele bja Moya Wo Mokgethwa Wo o rego, "Aroganya Nna Paulo le Baranaba gobane Ke ba bileditše mošomo wo re yago go wona. Se ke molwa-le-Lentšu le molwa-le-Kriste. Mateo 20:25-28, "Eupša Jesu a ba biletša go Yena, 'me a re, Le a tseba gore dikgošana tša Bantle sa bona ke go buša, 'me sa bagolo ke go dira batho ka maatla. Eupša go lena go se ke gwa ba bjalo, eupša e a ratago go ba e mogolo mo go lena, a a be modiredi wa lena, le yo a ratago go ba mmuši mo go lena, a a be mohlanka wa lena. A etša Morwa-Motho yo a sa kago a tlela go direlwa, eupša go direla, le go neela bophelo bja Gagwe gore e be topollo ya ba bantši." Mateo 23:8-9, "Eupša lena le seke la dumela leo la Rabi, gobane

wa lena Moruti ke o Tee, ke Kriste 'me lena ka moka le bana ba-yo-o-tee. Gomme le se ke la bitša wa mo lefaseng la re: Tata-wešu, gobane Tata-weno ke o Tee, wa magodimong."

Go kgonthiša se le go fetiša, a ke hlatholle Bonilolaite ka tsela ye. Le sa gopola gore go Kutullo 13:3 go thwe, "'Me ka bona e nngwe ya dihlogo tša sona e ke e gobetše wa go iša lehung: fela ntho yeo e bego e iša lehung ya fodišwa: 'me lefase ka moka la tlabega la šala sebata morago.' Bjale re a tseba gore hlogo yeo e gobetšego e be e le Mmušo wa Roma wa se-hethene, maatla a le a magolo a lefase a dipolitiki. Hlogo ye ya boela ya tsoga e le "mmušo wa Katholiki ya Roma wa se moyo." Bjale hlokomela se. A Roma ya se-hethene ya dipolitiki e dirile eng seo e lego kokwane ya katlego ya yona? E, "arogantše ya fenya." Seo e bile peu ya Roma — go aroganya le go fenya. Meeno a yona a tshipi a gagoganya gomme a rathaganya. Yo e mo gagogantšego 'me ya mo rathaganya a se ke a kcona go tsoga gape go swana le ge e senya Karathage 'me ya e dira tšhemo ya letswai. Yona peu yeo ya tshipi e šetše go yena ge a tsoga e le kereke ya maaka, le tshepedišo ya gagwe e dutše — e aroganya gomme e fenye. Seo ke bo-nikolaite gomme Modimo o bo hloile.

Bjale ke taba ya histori ye e tsebjago kudu gore phošo ye e tseneletše ka kerekeng, batho ba thoma go baka-maemo a bopišopo ka dipolo tša gore maemo a a ile a fiwa bao ba rutegilego kudu gomme ba tšwelela medirong le bao ba tletšego ka dipolitiki. Tsebo ya motho le lenaneo tša thoma go tšeaa maemo a bohlale bja Semoya gomme Moya-Mokgethwa wa se hlwe o laola. Se e be e tloga e le bobo bjo sehlogo, gobane dipišopo di thomile go swarelela seo gore se se ke sa hlwa se nyaka semelo sa se-Kriste go ruta Lentšu goba borapedi bja setšo ka kerekeng gobane yona e be e le maloko le meletlo seo se bego se balwa. Se se dumeletše batho ba babe (bafori) go gagogantšha mohlape.

Ka thuto ya maitirelo ya go hlatloša dipišopo lefelong leo le sa ba beago ka go ya ka Mangwalo, kgato ye e latelago ya ba go neela maina ka maemo ao a bopilwego go fihla bodumeding bja go feta-fetana, ka pejana gwa ba di-akapišopo godimo ga dipišopo le bagolo ka godimo ga di-akapišopo gomme ka nako ya Bonifase wa boraro gwa na gwa ba mopapa ka godimo ga bohole, *Mo-Pontifi*.

Ka thokong ya thuto ya Banikolaite le tlhakatlhakano ya Bo-Kriste le Bo-Babele dipelo tša gona ya ba se Hezekiele a se bonego Kgaolong ya 8:10, "Ka fao ka tsena gomme ka bona, 'mme ka bona diswantšho tša mehuta-huta tša digagabi tše ilwago, le tša diphoofofolo tše ilwago, le medimo ya diswantšho ka moka ya ba moloko wa Israele, di swantšhitšwe lebotong thoko tše go fela." Kutullo 18:2. "Gomme a hlaboša lentšu, a hlaba mokgoši o mogolo, a re: O wile! O wile! motse o mogolo wa Babele, gomme o fetogile bodulo bja diriti, le segola sa meoya yohle ya ditšhila, se segola sa manong a ditšhila a ilwago, gobane ditšhaba ka moka di nwile sebela se bogale sa bootswa bja wona."

Bjale thuto ye ya Banikolaite, molao wo o hlomilwego ka kerekeng ga se wa ka wa e kgohlanya gabotse-botse ka batho ba bantsi gobane ba kcona go bala episitola e sa tlwaelegago goba taodišo mo Lentšung le le ngwadilwego ke motho wa bodumedi. Ka fao naa kereke e dirile eng? E kgaotše baruti ba ba lokilego gomme ya tšuma di ngwalwa. Ba rile, "E tsea thuto ye e itšego go bala le go kwešiša Lentšu. Ke ka 'baka la eng ge Petro a ile a re tše ntši tše Paulo a di ngwadilego di be di le thata go ka kwešišega." Ge ba tšeetše batho Lentšu, gwa tla go batho gore ba theetše fela se moperisita a se bolelago, le go dira se a ba boditšego. Ba bitša seo Modimo le Lentšu la Gagwe le lekgethwa. Ba tšere menagano le maphelo a batho gomme ba ba dira bahlanka ba boperisita bjo bogolo.

Bjale ge o rata go kgonthiša gore Kereke ya Katholiki e nyaka maphelo le menagano ya batho, go theetša taelo ya Theodosius X. Taelo ya Pele ya Theodosius.

Taelo ye e ntšhitšwe ka pejana ka morago ga ge a kolobeditšwe ke Kereke ya Pele ya Roma. "Rena babuši ba bararo re rata gore thuto ya rena e gomarele bodumeding bjo bo rutilwego ke Petro yo Mokgethwa go Baroma, ye e bego e bolokilwe ka potego ke metlwae gomme yeo e tsebjago ke moukamed, Damase wa Roma, le Petro, mopišopo wa Alesandria, monna wa bokgethwa bja Bo-Apostola go ya ka setlwaedi sa Baapostola, le thuto ya Ebangedi, tlang re dumeleng go Botee bja Modimo-Tate, le Morwa, le Moya-Mokgethwa, bja maatla a lekanago Borarong-bjo-Bokgethwa. *Re laela gore bagomaredi ba tumelo ye ba bitšwa Ba-Kriste ba Katholiki, re tšuma balatedi bohole ba go hloka tsebo ba borapedi bjo bongwe bja maina a go se tume a kabelo le go iletša khuetšo ya go tsea maina a dikereke.* Kantle le tshenyo ya toko kgethwa, ba swanetšwe go latela le kotlo e boima yeo pušo ya rena, ka tlhahlo ya bohlale bja magodimong e tlogo gopola gabotse go gapeletša..."

Melao e lesome-hlano ya kotlo yeo e ntšhitšwego ke mmuši yo nywageng e mentši-ntši e ganeditše baebangedi ditokelo tšohle go itlwaetša borapedi bja bona, ba ba raka maemong ka moka a thari ya setšhaba, gomme ba ba tšhošetša ka dikotlo, tlhokafatšo, go rakwa gomme le mererong e mengwe, lehu.

O tseba'ng? Re lebanwe ke seo le lehono.

Kereke ya Katholiki ya Roma e ipitša Mmago-kereke. E ipitša kereke ya mathomo goba ya pele. Seo e tloga e le nnete. E be e le Kereke ya Mathomo ya tlholo ya Roma yeo e kgelogilego 'mme ya wela sebeng. E bile ya pele ya go ikaga. Go yona go hweditšwe ditiro le thuto ya Bonikolaite. Ga go yo a ka ganago gore ke motswadi. Ke mma gomme e tšweleditše barwedi. Bjale

morwedi o tšwa mosading. Mosadi yo a aperego moretele a dutše godimo ga dithaba tše di šupago tša Roma. Ke seotswa gomme se belege barwedi. Barwedi bao ke dikereke tša Diporotosetante tše di tšwago go yena gomme tša boela gape mokgatlong le Bo-nikolaiteng. Yo Mma-go dikereke tše e lego barwedi o bitšwa kobaobane. Ke mosadi yo a sa kago a botegela dikenno tša go nyalwa ga gagwe. O be a nyetšwe ke Modimo gomme a tšwela ntlo go otswa le diabolo gomme moo bootsweng bja gagwe a tšweletša barwedi ba ba fogo swana le yena. Kopano ya mma le morwedi ke molwa-le-Lentšu, molwa-le-Moya gomme mafelelong ke molwa-le-Kriste. Ee, MOLWA-LE-KRISTE.

Bjale pele ke iša kgole ke rata go bolela gore dipišopo tše tša pele di ile tša gopola gore di ka godimo ga Lentšu. Ba botša batho gore ba ka ba lebalela dibe ge ba ipolela dibe tše. Seo ga se sa ka sa ba therešo. Ba thoma go kolobetša masea ka ngwagakgolong wa bobedi. Ba ile ba ithuta kolobetšo ya tiišo. Gago makatše ge batho ba hlakahlakane lehono. Ge e le gore ba ile ba hlakahlakana ka mokgwa wo nakong yela, ba le kgauswei-uswi le Pentekosete, bjale ba tloga ba le kgakanegong e kgolo, ba le tekano ya nywaga e dikete tše pedi ba le kgole le therešo ya mathomo.

A, Kereke ya Modimo, go na le kholofelo e tee fela. Boela Lentšung gomme o dule le lona.

### THUTO YA BILEAMA

Kutullo 2:14, "Go wene go na le bao ba gomaretšego thuto ya Bileama yo a rutilego Balaka go rea bana ba Isiraele, gore ba je didimo, gomme ba dire bootswa."

Bjale o ka se fo ba le peyakanyo ya Banilolaite ka phuthegong gomme wa se be le ye nngwe ye thuto, gape. O a bona, ge o tloša Lentšu la Modimo le go šutha ga moyo bjalo ka mokgwa

wa go rapela (bao ba Ntirelago ba tlo Ntirela ka Moya le ka go rereša) nako yeo o tlo fa batho sebopego se sengwe sa borapedi bjalo ka kemedi, gomme kemedi e ra Bo-Bileama.

Ge re eya go kwešiša gore thuto ya Bileama ke eng ka phuthegong ya Testamente e Mpsha re ka upša ra boela morago gomme ra lebelela gore e be e le eng ka phuthegong ya Testamente ya Kgale gomme ra e diriša go lebaka-ngwaga la boraro gomme ka morago ra e tliša mo nakong ya bjale.

Kanego ye e hwetšwa ka go Numeri Kgaolo ya 22 go ya go 25. Bjale re tseba gore Israele e be e le setšhaba se se kgethilwego ke Modimo. Ba be ba le Ma-Pentekosete a 'tšatši la bona. Ba be ba le ka tlase ga tshireletšo ya madi, ba be ba kolobeditšwe ka moka ka Lewatleng le Lehubedu 'me ba tšwa moo meetseng, ba opela Moyeng 'me ba bina ka maatleng a Moya Wo Mokgethwa, ge Mirama, moporofeta, a bapadiša thamporine. Go lokile, ka morago ga nakonyana ya leeto, bana ba ba Israele ba fihla Moaba. Le a lemoga gore Moaba e be e le mang. E be e le morwa wa Lot ka yo mongwe wa barwedi ba gagwe, 'me Lot le yena o be a le moswemogolo wa Aborahama, ka fao Israele le Moaba ba be ba tswalane. Ke rata gore le bone seo. Ba Moaba ba be ba tseba therešo, le ge ba be ba e phela goba ba sa e phele.

Ka fao Israele ya fihla mellwaneng ya Ba-Moaba gomme ba romela batseta go kgoši ba re, "Re bana ba motho o tee. Hle re dumeleng re fete mo nageng ya lena. Ge batho ba rena goba diphoofolo tša rena di ka ja goba go nwa se sengwe, re tlo se lefela re thabile." Eupša Kgoši Balaka a thaba kudu go fetiša. Hlogo yela ya Banikolaite e be e ka se dumelele phuthego go tla le dika le matete le tšweletšo ya meoya ya go ya ka Moya Wo Mokgethwa, ka difahlego tša bona di gadimago ka letago la Modimo. E be e le go leka, ka ge a be a tlo lahlegelwa ke lešaba. Ka fao Balaka a gana go dumelala Israele gore e fete. Nnete

gona, o be a ba tšhogile kudu, moo a ilego a ya go moporofeta wa go rekwa a bitšwago Bileama 'me a mo kgopela gore a be maletolong wa bona go Modimo 'me a kgopele Yo Maatla-ohle go rogaka Isiraele, le go ba nola mooko. Gomme Bileama, a rata go tšea karolo dipolitiking gore a be monna yo mogolo, o be a thabetše fela go dira bjalo. Eupša ge a bona gore o swanetše go batamela, le go amogela batheeletši go Modimo go roga setšhaba, ka ge a ka se kgone go dira seo ka nnoši, a ya go kgopela Modimo ge e ba a ka Mo dumelwelwa go ya. Bjale seo ga se swane le Banilolaite bao re nago le bona lehono? Ba roga yo mongwe le yo mongwe yo a sa ratego go tšea ka tsela ya bona.

Ge Bileama a kgopela Modimo tumelelo ya go ya, Modimo a mo gomiša. Nna seo se a hlabatša! Eupša Balaka a gapeletša, a mo tshephiša le tefo e kgolo le go hlomphega. Ka fao Bileama a boela go Modimo. Bjale Karabo e tee go tšwa go Modimo e lokile. Eupša e sego go Bileama wa go ithatela. Ge Modimo a bona phegelelo ya gagwe, A mmotša gore a eme 'me a sepele. Ka pejana a alela pokolo 'me a wela tsela. Ga se a ka a elelwa gore se ke nakana ya mokhura ya Modimo gomme a ka se kgone go ba rogaka le ge a ka ya ga masomepedi le go leka makga a masome-pedi. Go swana le Bileama batho ba bjalo lehono! Ba dumela go Badimo ba bararo, ba kolobetšwa maineng a mararo 'bakeng sa LEINA, gomme le ge go le bjalo Modimo o romela Moya go bona bjalo ka ge A dirile go Bileama, gomme ba tlo dumela go tšwela pele gore ba tloga ba le nneteng, gomme šibakhwi ke Ba-Bileama ba feletšego. O a bona, thuto ya Bileama. Tšwela-pele ka tsela e nngwe. E dira ka mokgwa wa gago. Ba re, "Go lokile, Modimo o re šegofaditše. Go ka fo ba go lokile." Ke a tseba gore o go šegofaditše. Ga ke ganetše seo. Eupša ke yona tsela ya go ikaga yeo Bileama a go e tšea. Ke go nyatša Lentšu la Modimo. Ke thuto ya maaka.

Ka fao Bileama a theogela tseleng a le bjalo ka phoofolo go fihlela ge morongwa wa Modimo a ema tseleng ya gagwe.

Eupša moporofeta yoo (pišopo, moukamedи, modulasetulo, moperintente le molebeledi-kakaretšo) o be a fousaditšwe dilong tša se-Moya ka kgopolo ya go hlompšha le go tagafala le tšahalete moo a ilego a šitwa go bona morongwa a eme a khwamotše tšoša. Moo o be a emetše go thibela moporofeta wa segafa. Pokolwana ya mmona gomme ya ngwegela morago le pele go fihlela ge mafelelong e kgholanya leoto la Bileama le leswika. Pokolo ya ema gomme ya se tšwele pele. A se ke a kgona. Ka fao Bileama a taboga gomme a thoma go e tia. Pokolo ya thoma go bolela le Bileama. Modimo o dumeletše pokolo yeo go bolela ka leleme. Pokolo yeo e be e se motswako, e be e le peu ya mathomo. Ya bolela le moporofeta wa go foufatšwa, "Naa ga se nna pookolo ya gago, gomme ga se nka ka go rwala ka botshephagi?" Bileama a fetola, "Ee, ee, ke wene pokolo ya ka gomme o nthwele ka potego go fihla bjale; gomme ge nka se go dire gore o sepele, ke tlo go bolaya... owe! ke eng se, go bolela le pokolo? Go a nyamiša, ke nagana gore ke kwele pokolo e bolela 'me ke e fetotše."

Modimo o be a fela a bolela ka leleme. O boletše monyanyeng wa Belsasara le ka Pentekosete. O dira seo gape lehono. Ke kgalemelo ya kahlolo ye e ttago ka bjako.

Nako yeo morongwa a bonagala go Bileama. A botša Bileama gore mola e se be pokolo a ka be a hwile le bjale gobane a leka Modimo. Eupša ge Bileama a tshepiša go boela morago, o ile a romelwa le tsholo gore a bolele fela se Modimo a mo filego.

Ka fao Bileama a theoga gomme a beakanya dialetara tše šupago tša diphedi tše hlwekilego go dira sehlabelo. A bolaya kgapa go bontšha go tla ga Mesia. O be a tseba gore a ka dira eng go batamela Modimo. O be a fo ba le tsebo; eupša e sego maatla, go swana le bjale. A ga le kgone go bona, Banikolaite? Kua tlase moeding go na le Ba-lsiraele, ba neela ka sona

sehlabelo seo, ba dira dilo tša go swana, eupša yo mo tee a ba le mehlolo e latelago. Yo mo tee fela o be a na le Modimo magareng ga bona. Sebopego se ka se go iše felo. Se ka se tsee madulo a ponagatšo-Se-Moya. Ke seo di diregilego ka Nisea. Ba beile thuto ya Bileama godimo, e sego thuto ya Modimo. Gomme ba tlaruma; ee ba wa. Ba ba bahu.

Ka morago ga sehla-belo, Bileama o be a loketše go porofeta. Eupša Modimo a tlema leleme la gagwe magalagapeng 'me a se ke a kgona goba rogaka. A ba šegofatša.

Balaka a befelwa kudu, eupša Bileama o be a ka se dire selo ka go seporofeto. Go boletšwe ke Moya Wo Mokgethwa. Ka fao Balaka a botša Bileama gore a theogele tlase, ka moeding, gomme a lebelela ka morago ga bona go bona ge e ba ga go sa le ka mo go kgonegago tsela ye a ka ba rogakago ka yona. Mahlale a Balaka a a dirišitšego ke ona a ba a šomišago lehono. Dikereke-tša-maina tše 'kgolo di lebelela fase dihlopeng tše nnyane, le selo se sengwe se di se hwetšago magareng a tšona go dira botšopša bjo ba bo tlišitšego 'me ba hlaba mašata. Ge eba ba sebjalebjale ba phela sebeng, ga go yo a boleLAGO selo ka seo; eupša yo mongwe wa bahlaolwa a a ke a tsene kotsing gomme letlakala le lengwe le le lengwe le tlo e gagola ya tlala lefase. Ee, Isiraele e be e na le boka morago (senama). Ba be ba na le lehlakore leo le sa tumišegego, eupša goba le go se loke-ka-tlalo ga bona, ka morero wa Modimo wo o dirago ka thlaolo, ka mogau gomme e sego ka mediro, BA ILE BA BA LE LERU MOSEGARE LE KGABO YA MOLLO BOŠEGO, BA ILE BA BA LE LESWIKA LE LE TEILWEGO, NOGA YA MPHIRI LE DIKA LE MATETE. Ba be ba hlatsatšwe — e sego ka bobona, eupša Modimong.

Modimo ga se a ka a hlompha Banilolaite bao ka di-PHd, -LLD le DD le dihlopha tše botse tša bona le tše kaone tše motho a ka ikgogomošago ka tšona, eupša A hlompha

Ba-Isiraele gobane bona ba be ba na le Lentšu le ba hlaoretšwego lona. Ruri Isiraele ga se ya lebelelega e pholešitšwe gabotse, e fo tšwa ka Egipita ka motšhabo wa moka, eupša e be e le batho ba šegofaditšwego le ge go le bjalo. Se e bego e se tseba nywageng e fetago makgolo a mararo e be e le go diša mehlape, le go lema mašero le go kgoba ka go boifa lehu ka tlase ga ba Egipita. Eupša e be e lokologile bjale. E be e le setšhaba se šegofaditšwego pušong ya Modimo. Ruri Moaba a ba tšeela fase. Merafo yohle e mengwe ya dira, le yona. Mokgatlo gantši o fela o tšeela bao ba sego ba ikaga fase, ebile ba ka seke, ba gogela, ka kgang mekgatlong goba go ba bolaya ge ba sa tle.

Bjale yo mongwe a ka mpotšiša, "Ngwanešu Branham, ke eng se se go dirago gore o re Moaba e be e ipopile mokgatlo mola Isiraele e se ya ipopa? O tšere kae kgopolو yeo?" Ke e tšere gona ka mo Beibeleng. Ke se se swantšitšwego ka mo ka-moka ga sona. Se sengwe le se sengwe se ngwadilwego ka Testamenteng e Tala se se lego ka mokgwa wa kanegelo se ngwaletšwe go re kgalemela le go re eletša gore re ithute ka sona. Se se ka mo go Numeri 23:9, "Le ntlheng ya maswika ke mmone, le go tšwa mebotong ke mmone, se-se setšhaba-sedula-se-NNOŠI, GOMME KA SE BAPETŠWE LE DITŠHABA TŠE DINGWE." Šeo. Modimo a ukametše go tšwa ntlheng ya maswika, e sego moeding a lebeletše diphošo gomme a ba senya, Modimo a ba bona ka tsela ye a ratilego go ba bona ka yona — go tloga bogodimong bja lerato le mogau. Ba dutše ba NNOŠI gomme ba be ba se ba ipopa mokgatlo. Ba be ba se na kgoši. Ba be ba na le moporofeta, gomme le yena moporofeta o be a na le Modimo ka go yena ka Moya; gomme Lentšu le tlie go moporofeta gomme Lentšu la ya bathong. Ba be ba se ba Dinaga-tše-'Kopanego. Ba be ba se ba Lekgotla-la-lefase-la-Dikereke, go Mapapatsisi, Mapresipiteriene Phuthego ya Modimo goba lekgotla le lengwe. Ba be ba sa nyake go ba ba

se sengwe. Ba be ba kopantšwe go Modimo. Ba be ba sa nyake molao go tšwa lekgotleng le lengwe — ba be ba na le "O rialo Morena" magareng a bona. Alleluya!

Go sa lebelelwa gore Bileama o be a tseba mokgwa wo kaone wa go batamela Modimo gomme a kgona go tliša kutullo go tšwa go Morena ka maatla ao asa tlwaelegago, o be a sa fo ba, ka tše ka moka, mopišopo sephohlheng sa maaka. O be a tlo dira eng go ka ratwa ke Balaka? A dira leano leo go lona Modimo a ka gapeletšegago go šoma ka Isiraele lehung. Bjalo ka ge Sathane a tsebile gore a ka fora Efa (a mo šušumetša go wela sebeng sa nama) seo se gapeleditšego Modimo go ba bea Molato wa lehu kgahlanong le sebe, ka fao Bileama o tsebile gore ge a ka kgona go diriša Isiraele sebe, Modimo o tlo ba otla ka lehu. Ka fao a hwetša tsela ya gore ba tšwe gomme ba wele sebeng. A romela taletšo gore ba tle monyanyeng wa Baal-Beore (rotogelang mono 'me le rapeleng le rena). Bjale Isiraele, mo go sa belaetšego, ba bone menyanya ya ba Egipita ka fao ba bona gore ga go na phošo ge ba ka ya 'me ba fo lebelela le gore mohlomongwe ba je le bona batho bao. (Phošo e kae ka go fo direla ka tsela e nngwe? Re swanetšwe go ba rata, a ga go bjalo, goba re tlo ba rua bjang?) Go ba le lerato ga go kwiše motho bohloko — goba ka fao ba gopola. Eupša ge bona basatšana bao ba go itlhobola ba Ba Moaba ba thoma go bina le go itlhobola ge ba dikologa ba dira go phethonkgana le go menekana, kganyo-go ya tsoga go ba-Isiraele gomme ba gogelwa bootsweng gomme Modimo a galefile a bolaya ba dikete tše masome-nne pedi tša bona.

Gomme seo ke se Konstantine le balatedi ba gagwe ba se dirilego Nisea le ka morago ga Nisea. Ba laleditše batho ba Modimo dikopanong tša bona. Gomme ge kereke e dula fase e e ja, gomme ba ema ba tsebo bapala (go tšea karolo ya sebopego sa kereke, menyanya, le menyanya ya bohetene di bitšwa borapedi bja metlwae ya Ba-Kriste), o be a reilwe; o dirile bootswa. Gomme Modimo a tšwa.

Ge motho yo mongwe a tšhaba Lentšung la Modimo 'me a tsenela kereke e le gore a amogele Moya Wo Mokgethwa, motho yoo o a hwa. Lehu! Ke seo a lego sona. O seke wa itswalanya le kereke. O se ke wa tsena mekgatlong gomme wa tšewa ke ditumelo le metlwae goba selo se sengwe seo se tšeago madulo a Lentšu le Moya, goba o hwile. Go fedile. O hwile. O arogane Moka le Modimo!

Se ke seo se diregilego mabakeng ohle go tloga nako yeo. Modimo o lopolla batho. Ba tšwa ka madi, ba hlatswa ka Lentšung, ba phatša meetse a kolobetšo gomme ba tlala ka Moya; eupša ka moragonyana lerato la mathomo la notlega gomme yo mongwe a tlelwa ke kgopololo ya gore ba ipope dihlopha gore ba kgone go ipoloka gomme ba itirele leina, gomme ba ipopile go tloga molokong wa bobedi kua morago gomme nako e nngwe le pele ga fao. Ga ba sa na le Moya wa Modimo, e fo ba sebopego sa borapedi. Ba hwile. Ba itswakantše le ditumelwana le dibopego gomme ga go bophelo ka go bona.

Ka fao Bileama a diriša Isiraele bootswa. A o tseba gore bootswa bja nameng ke wona moya wo o dutšego bodumeding bja mekgatlo? Ke boletše gore moya wa bootswa ke wona moya wa mekgatlo. Gomme diotswa ka moka di tlo ba le kabelo bodibeng bja mollo. Seo ke se Modimo a se naganago ka mekgatlo. Ee mohlomphegi, kobaobane le barwedi ba gagwe ba tlo ba ka bodibeng bja mollo.

Dikereke tša maina ga se tša Modimo. Ga senka di e ba ebile di ka se tsoge di bile. Ke moya wa go fora wo o aroganyago batho ba Modimo ka tshepidišong ya go bea ka maemo le bogolo bja ditho ka phuthegong; gomme ke, ka fao, moya o fošagetšego wo o aroganyago batho bathong. Ke seo mekgatlo le dikereke di se dirago. Ge ba ipopa dihlopha ba ikaroganya le Lentšu la Modimo, ba itsentšha ditšhileng tša bootswa bja moya.

Bjale hlokomela gore Konstantine o diretše setšhaba monyanya o itšego. E be e le menyanya ya se-hethene ka maina a maswa a tserwego kerekeng, goba ka tsela tše dingwe borapedi bja Bo-Kriste bo tserwe gomme bja šomišwa ka tsela e fošagetšego le menyanya ya seheteni. O tšere borapedi bja modimo-wa-letšatši gomme a bo fetošetša go Morwa-Modimo. Bakeng sa go o binela ka Desemere 21, yeo e lego ge ba binela monyanya wa modim'a-letšatši, ba e beetše go Desemere 25 gomme ba o bitša matswalo a Morwa-Modimo. Eupša re tseba gore o belegwe ka Aporele ge bophelo bo tšwelela, e sego ka Desemere. Gomme ba tšea monyanya wa Asetarate 'me ba o bitša Monyanya wa tsogo wo go wona BaKriste ba binelago lehu le tšogo ya Morena. Gabotsebotse e be e le monyanya wa bahetene ba o diretšego Asetarate.

Ba bea dialetara ka kerekeng. Ba bea diswantšho. Ba neela batho se ba se bitšago tumelo ya baapostola, le ge o ka se e hwetše ka Beibeleng. Ba ruta batho go khunamela badimo ka go dira Kereke ya Roma ya Katholiki kereke e kgolo ya moyo mo lefaseng. Dinonyana tšohle tše di ilwago di be di le ka moo segoleng seo. Gomme o hwetša le Maporotosetante ka mekgatlo ya bona ba dira sona sela ba se gannego.

*Ba lle tše di hlabetšwego medimo.* Bjale ga ke re gore ba tloga ba lle dinama tša didimo ka sebele. Gobane le ge lekgotla la Jerusalema le ile la bolela kgahlanong le seo, Paulo ga se a dira selo ka sona ge a rile medimo ga se selo. E be e fo ba taba ya letsawalo ntle le ge e ka kgopiša ngwanešu yo a fokolago gomme ka nako yeo go be go sa dumelelw. Go iša pele, Kutullo ye e be e amana le Bantle gomme e sego BaJuda ka ge tše e le diphuthego tša Bantle. Ke bona se seetšeng sona seo ke bonago mantšu a Morena ka gona, "Ge le sa je nama ya Ka'me la nwa madi a Ka ga le na bophelo go lena. Motho ga a phele ka

senkgwa fela eupša ka mantšu ka moka ao a tšwago molomong wa Modimo." O ka bona gore go ja e fo ba go tšea karolo mo moyeng. Ka fao ge batho ba ba khunametše diswantšho, ba tšhumile dikerese, ba šomiša matšatši a go khutša a kgethilwego ke bahetene, ba ipolela dibe go batho (ka moka tše di etša borapeding bja diabolo), ba ge ba le batšeakarolo le diabolo gomme e sego ya Morena. Ba be ba direla medimo go sa ye le go re ba e amogela goba aowa. Ba kgona go bolela tšohle tše ba di nyakago gore dialetare le diorelo di fo ba gona go ba gopotša dithapelo tša Morena goba se sengwe le se sengwe ba gopolago gore ba ra sona; gomme ba kgona gore ge ba rapela pele ga seswantšho e fo ba ka 'baka la go gatelela; le gore ge ba ipolela go moperisita, go tloga go le go Modimo ge ba dira se dipelong tša bona, le gore ge ba re moperisita o a ba swarela, e fo ba gore o dira se Leineng la Morena; ba ka bolela se ba ratago go se bolela eupša ba tšea karolo go Babele yo a tsebalegago kudu, borapedi bja Sathane gomme ba itswalantše le medimo 'me ba dira bootswa bja se-moya, seo se rago lehu. Ba hwile.

Ka mokgwa wo phuthego le mmušo tša nyalana. Phuthego ya itswalantšha le medimo. Ka maatla a mmušo ka morago ga bona ba ikwela gore bjale, "Mmušo o tlie le thato ya Modimo e šušumeditšwe godimo ga lefase." Ga go makatše ge kereke ya Roma ya Katholiki e se ya lebelela go tla ga Morena Jesu la bobedi. Ga se ba miliniamo [ba go tlo dula le Morena Jesu nyaga e sekete sebakeng sa legodimo.—Mofetoledi]. Ba na le miliniamo ya bona gona mo. Mopapa o a buša bjale gomme Modimo o buša ka go yena. Bjalo ge A etla, go ya ka bona, go swanetše go ba ge legodimo le lefase di lokišitšwe. Eupša ba dira phošo. Mopapa yoo e be e le hlogo ya kereke ya maaka, gomme go tlo ba miliniamo, eupša ge seo se tšwela pele a ka se be ka go sona. O tlo ba felo mo gongwe.

## KGALEMELO

Kutullo 2:16, "Sokologa gore ke se tlo go tiela ka pela, gomme ka lwa le bao ka lerumo la molomo wa ka."

Ke eng seo A ka se bolelago? A Modimo a ka hlokomologa sebe sa bao ba gomaretšego Leina la Gagwe ka lefeela? Go na le tsela e tee fela ya go amogela kgaogelo nakong ya sebe, SOKOLOGA. Ipolele gore o phošitše. E tla go Modimo gore o lebalelwé le Moya wa Modimo. Se ke taelo go tšwa go Modimo. Go nyatša ke lehu, gobane O re, "Ke tlo lwa le lena ka lerumo la molomo Wa-Ka." Sebata se dira ntwa le bakgethwa, eupša Modimo o tlo lwa le sebata. Bao ba Iwelego le Lentšu ba tlo ikhwetša 't'satši le lengwe Lentšu le elwa le bona. Ke selo se se tiilego go fokotša, goba go oketša mo Lentšung la Modimo. Gobane bao ba le fetošitšego, gomme ba dira ka moo le ba swanelago, se e tlo go ba pheletšo ya bona ke eng ge e se lona lehu le tshenyego? Eupša mogau wa Modimo O sa goeletša, "Sokologang." A, di natefa bjang dikgopololo tša tshokologo. Ke tla ke le feela-fela, ke swarelela sefapanong sa Gago ka bonolo. Ke tliša sello sa ka. Ke a sokologa go seo ke lego sona, le seo ke se dirilego. Bjale ke madi, ga se selo eupša madi a Jesu. A e ka ba eng naa? Tshokologo, goba lerumo la lehu. Di go wene.

(E tšwa go Ponagatšo Ya Mabaka A Šupago A Kereke)

Voice Of God Recordings, South Africa Office

P.O. Box 178, Somerset West, 7129 Cape Province, Republic Of South Africa

NORTH SOTHO

©1992 VGR, ALL RIGHTS RESERVED

VOICE OF GOD RECORDINGS  
P.O. Box 950, Jeffersonville, Indiana 47131 U.S.A.

[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)